

721.
no, 2

COPPIE
DE LA LETTRE

DE NOSTRE SAINCT
Pere le Pape , enuoyee à Mon-
seigneur le Prince de Condé , en
responce de celle que ledit sieur
Prince auoit escripte à la sainte-
té pour luy faire trouuer bonnes
ses armes.



A PARIS,

De l'Imprimerie de Iean Milot, au coing
de la rue de Harlay, vis à vis
des Augustins.

M. DC. XV.

THE LATTER

Part of the History of the

City of London, from the

Year 1600 to 1650.

By John Stow.

London, Printed by I. W.

at the Sign of the Gun, in

St. Dunstons Church-yard, 1657.

Price 1s.

By Authority.

Printed by I. W.

at the Sign of the Gun, in

St. Dunstons Church-yard, 1657.

Price 1s.

By Authority.

Printed by I. W.

at the Sign of the Gun, in

St. Dunstons Church-yard, 1657.

Price 1s.

 COPPIE DE LA LETTRE

de nostre Sainct Pere le Pape, enuoyee
à Monseigneur le Prince de Condé,
en responce de celle que ledit sieur Prin-
ce auoit escript à sa saincteté, pour luy
faire trouuer bonnes ses armes.

53.^e p^{re}mi^{er}

NOSTRE cher & bien aimé
fils, salut & benediction Apo-
stolique, la vostre tres-agreable du
dernier iour de Iuillet, nous a esté
renduë par le sieur de la Boissiere,
vostre agent: & auons eu à plaisir la
bonne volonté & affection que
vous nous portez, & au saint siege
Apostolique, imitant en cela la
pieté de ces anciens Bourbons, vos
ancestres qui ont faict paroistre leur
deuotion par les fondations signa-
lees qu'ils ont faictes en plusieurs

Eglises du Royaume de France: mais nous n'auons peu & ne pouuons de moins que de nous condouloir avec vous des desordres que dictes estre en ce florissant Royaume de France, lesquels nous croyons proceder de la trop grande licence que les François s'attribuent, ou la pluspart professent de croire ce que bon leur semble, & de mettre en compromis, & sous l'arbitrage d'un chacun la sainte foy Catholique Apostolique & Romaine: Colonne de verité deschiree en sa croyance, au moyen de la liberte de conscience qui y est establee, & de l'indigne distribution qui se fait en France des offices & benefices: ce que nous portons à regret avec larmes de sang pour le soing paternel que nous auons de ce tres-chrestien

Royaume la plus belle fleur de la Chrestienté, pour la reformation duquelle feu Roy Henry quatriesme de bonne memoire auoit commencé a trauailler & en fut venu à bout, si par vn execrable parricide on ne l'eust osté du moade: Mais pour repurger les abus il nous semble que ne deuez tenir le chemin que vous tenez, ains vous tenir pres du Roy, & l'assister de vostre bon conseil, sans vous esloigner de la presence, puisque c'est le Soleil qui vous doit departir les influences, car vostre autorité & le rang que vous tenez en France suffit pour reduire à neant les menees de ceux que dictes causer la ruine de l'estat, ne doutant point que vous qui auez le principal interest à la conseruation de ceste tres-chrestienne

Couronne estant assisté comme
vous y serez en y procedant de bon-
ne affection aurez le pouuoir de
ranger vn chacun à son deuoir, & à
l'obeyssance qu'on doit rendre au
souuerain, à quoy nous vous exor-
tons par les entrailles de la miseri-
corde de Dieu, & de vous rendre le
protecteur de l'innocence de vostre
ieune Prince, en consideration de
ce que son pere de glorieuse me-
moire a fait pour vous, & que si
Dieu a resolu de chastier la France
pour les iniquitez qui y regnent,
que vous n'en soyez point l'instru-
ment, & que le pauvre peuple n'es-
prouue plus ce qu'il a esprouué en
France pendant les factions d'Or-
léans & de Bourgogne, ce que pour
vostre qualité vous deuiez empes-
cher, n'estant raisonnable que le

pretexte de la maluersation de ceux
 que designez par vostre lettre ren-
 de la France miserable, & pour cet
 effect vous vous aidiez de quelques
 vns ennemis de la croyance qu'a-
 uiez professée, qui vous mettent
 aux mesmes termes que ceux de pa-
 reille oppinion mirent vostre ayeul
 Prince bon de son naturel, mais
 corrompu par mauuais conseil pour
 nostre regard vous receurez toute
 assistance en ce qui regarde le bien
 du Roy & du Royaume de France,
 & le vostre en particulier. Donné à
 Rome à S. Marc soubs l'anneau du
 pescheur le 17. Aoust 1615. & de no-
 stre Pontificat le 11. signé *Scipio*
Cobellutius.

Et à la subscription est escrit.

A nostre bienaimé fils Henry de
Bourbon, Prince de Condé, Pair &
premier Prince du Sang de France.